

中國方志叢書·華中地方·第九二一號

據

清·高植、沈錫三等纂修
清乾隆四十五年刊本

影印

江西省

德化縣志

(一)

成文出版社有限公司印行

德化縣爲欽奉

上諭事乾隆四十五年正月初九日奉各憲札開乾隆四十四年十二月十五日承准 廷寄乾隆四十四年十一月十八日奉

上諭據閔鶚元奏各省郡邑志書內如有登載應銷各書名目及悖妄著書人詩文者請一槩俱行剷削等語所奏甚是錢謙益屈大均金堡等所撰詩文久經飭禁以裨世教而正人心今各省郡邑志書往往於名勝古蹟編入伊等詩文而人物藝文門內并載其生平事實及所著書目自應逐加芟削以杜謬妄至從前各省節次繳到應燬書籍經朕發交館臣覆勘奏定應行銷燬者

俱經該館陸續咨行各省自可遵照辦理着傳諭各督撫將省志及府州縣志書悉心查核其中如有應禁詩文而志內尙復採錄併及其人事實書目者均詳悉查明槩從芟節不得草率從事致有踈漏欽此遵

旨寄信前來等因承准此合札移行各衙門一體欽遵詳悉查明槩從芟節不得草率從事致有踈漏此札

十一月十八日奉

十四年十二月十五日奉

致寄

工部事

工部事

德化縣志序

志乘爲教化之本如山川土田官府人物物產貢賦一切因革損益隨時詳厥原委可令其事增於前志闕於後耶德化爲九江首邑地連吳楚江接荆揚按禹貢地志江漢下遊澤曰彭蠡山曰敷淺原東西相距約百里而近其間端人耆彥孝子賢媛廉頑立懦其有功於名教者他書不少概見而縣故無志前高令植遐搜博訪別類分門採輯成編用心良苦距今二十餘年矣邱文莊云世有千

載不刊之書無百年不修之志夫百年亦卽此二十年之積也日新月異而歲不同決擇固宜慎哉
伏讀

上諭各省郡縣志書自應逐加芟削以杜謬妄所爲裨
世教以正人心者皆


聖天子錫福庶民至意也德化沈令錫三請將舊志檢
校酌刪事在二十年後者因附益之亦可謂事增
於前文損其舊者矣夫鑑古證今汰虛摭實案其
山川而知廬嶽岷江之形勢也稽其土田而知柴

桑上下旱潦之防制也於官府人物而知灌嬰庾
亮所經營陶侃檀道濟所規畫以及前輩流風儒
林雅望可悉數也於物產貢賦而知潯陽之任土
宜民皆正供也至若琵琶送客煙水懷春亭號聚
僊樓名醉白文詞固存舊其他人品不皆陶謝棄
取必嚴亦非從刻書成付之剗劂以是上副

功令知所關於風教者甚鉅也寧不足信今而傳後
歟是爲序

兵部侍郎兼都察院右副都御史巡撫江西等處

地方兼理軍務兼提督 銜世襲騎都尉郝碩



林樾壁可參煥少休於重所規而映新洲之丘土
宜月督五封少至恭發醫後容對水對春亭荒渠
縣對各領白文同固存蓄其山人品不背則撫集
桑土不旱新之初歸也休官族人餘而映新娶與

德化縣志續輯跋語

德化縣爲江州首邑地衝事劇素號名區而向無專志惟附見於府志者僅存嵯畧而已乾隆甲戌己亥間陞縣槐堂高公始創輯之化於是乎有志當書未成時高公已遷秩松江郡丞以士民請緩行程而竣志事孜孜不懈其所紀載皆典覈精詳編纂嚴簡不濫不遺俾後之蒞斯土者得所考據洵滋治之要典也然距今二十餘年未經續脩適己亥庚子冬春間奉飭將郡邑各志中有違碍字句及應禁人詩文事實名目悉行校勘芟除刊改已遵照查校呈送省局核定而府志未修已百餘年應行更正纂補之處尤多陞任郡憲伍公稟請重修詳允興舉化邑紳士咸

請修府志必集衆此改刊將比年以來應行增
益之人物事蹟悉加纂入不特邑志完善且可以資將來
府志之攷訂公請自爲設局續修余深韙之爲之轉請允
行不數月而告竣其體例悉仍舊式應增者各以類附應
芟者均遵館臣勘定不稍假借草率庶幾可備他日輶軒
之采矣工竣會余亦量移旴江諸紳士咸以爲與高公後
先相輝映宜有以記之噫是以適逢其會耳余唯嘉都人
士之踴躍從事各殫心力迅速以成因刊列其姓氏而附
綴數語於卷末若謂余之謏陋能步高公之後塵則彌滋
我愧爾庚子嘉平知德化縣事陞任建昌府同知沈錫三

識

地志創於禹貢說者以爲詳於山川土田義取貢賦而不知錫土姓一語爲後世諸史列傳之胚胎采男諸侯爲後史秩官表志之權輿揆文奮武至聲教訖四海何所不該而祇台德先尤爲教化之本周官大司徒掌邦土地圖與人民之數辨五地之物生因民常而施教所謂以賢制爵則民慎德者實爲十二教之本其間養之以保息安之以本俗賓興之以德行道藝下至州長縣師莫不本此爲政若邦國之志掌之小史四方之志掌之外史則報政同文之化昭焉此後世郡邑志所由昉也德化爲九江首邑左涵彭蠡南控敷淺原爲大禹導江經過之地邑最繁古來

人物最盛其事與文散見他書者最夥而縣故無志其八十年以前之事與文僅稍稍附見府志而已癸酉秋余始至潯而訝之而令尹高君槐堂固久慮之顧邑爲西江北戶上拱

神京居荆揚水陸之衝令日事迭迎且簿書徵發諸務填委是以厯皆不遑及此然惟地要斯志益不可缺我

國家幅員廣濶政教修明行省大臣莫不仰體

聖天子求寧觀成德意核實綜名徵文攷獻際斯時也志之修益不可再緩特創始爲難槐堂以澍中名宿由德興調繁茲土本躬行心得敷之政教又工文章能

擇別是非不稍假借泣任四載風土民情燭照數計
人不能謾抑且不忍兼此數長何慮創始之難余敦
趣之槐堂亦力任之遴賢士大夫分輯而摭實之居
無何槐堂以治行第一入

覲回任後旋晉松江郡丞士民固請留蓋不僅爲志
而志其要者余爲請於列憲緩其行程俾令竣事巡
憲和公行部來潯時加論定乙亥季春新令額君至
受代間仍推槐堂理志事孟夏志成凡如千卷其圖
表志傳錄記諸綱目即余所擬府志式不具論特其
編纂最爲嚴簡無他志假借之失列傳尤稱詳確遠
不遺近不濫得史氏法可與康德涵武功志陸清獻

霸壽志竝稱善本矣夫吏道與民風相爲感應吏傳
舍其官民亦過客其吏彼道薄風媿者無論已卽時
稱良吏業遷秩他所鮮不神馳意奪舍舊圖新搃父
老板轅匆匆行色有不暇細唱渭城者安見懃懃懇
懇於垂別之時修從來未修之典固有心者所拭目
而不敢尅期而竟一旦釐然告成也豈不大可幸哉
至額君推讓舊尹賢以相輝而益彰邑士大夫各殫
其心力毫無二三新舊之見敦仁好義抑何風俗之
醇也非我

聖朝休養生息漸摩陶淑之深太和翔洽超逾千古吏
道民風蒸蒸日上曷克臻此將上之可備史館之採

擇守之可爲從政之師資槐堂行矣益著賢聲於三
江震澤間而後之官此與居此者所望交勉其德以
上副邛隆

聖化安見一邑之志不可與夏貢周官比媿也哉

乾隆二十年孟夏前知九江府事陞任吉南贛寧道

豐臺董榕撰

豐臺董林封

諱國二十甲孟夏朔庚戌戌戌林亭園封古南韓寧
聖外安良一邑之志不西興良貢風官以徽外封

上個縣圖

武靈縣開而縣之官出與林池林池壁文煥其縣
縣之文可然縣開之官等林池不與益縣開縣林

原序

往歲沿銀城首稽邑志缺修者已六七十年進多士
商所以繼輯是書甫就議而余適奉調以去志事闕
焉耿然於心久未能釋初余自銀城調化邑也知地
介極衝政繁事劇不遑片晷意其地之民風士習府
庫倉儲及於山川要隘兵食膠庠一切緊要事理載
於志者必詳未入境先思索一冊閱之不可得及於
蒞治而事多蠲集然猶以爲考古乃可以宜今刻期
取志書至迫吏或送府志書以應訝而叱其謬也乃
曰素如是化故無耑志也附見於府志而已再三詢
并問之士大夫皆曰然然後信化邑之果未有耑志

也噫亦簡陋甚已今夫庶民之家擁貲財稱富厚田園屋宇甲於閭里乃問其田糧租稅貨財器具婚嫁所資教讀所藉不可紀極之數則曰某某大宗有總籍焉某瑣瑣者第附載而已其遂藉是以無失經紀乎且一鄉之中爲地無幾而

功令所重首先保甲孰農孰士孰商孰賈與凡一姓之祖若父及其行輩妻孥僮工奴僕或軍或民若糧產年貌之不齊郵墟市集之殊方而類聚必於鄉之耑冊各詳載焉而後有所考否則鄉之饒瘠不可知良莠莫能辨而凡懲創興起培養剔除之道或茫昧而無所措手邑之視鄉大小攸分經理豈有二哉余自